

Alkitab untuk Anak-anak  
memperkenalkan

Pemimpin  
Rumah Tuhan  
Mengunjungi  
Yesus



Allah menunjuk kepada Tuhan dalam Alkitab.

Penulis: Edward Hughes

Digambar oleh: Byron Unger, Lazarus  
Alastair Paterson

Disadur oleh: M. Maillot, Sarah S.

Diterjemahkan oleh: Julie TY


Dihasilkan oleh: Bible for Children  
[www.M1914.org](http://www.M1914.org)

©2023 Bible for Children, Inc.

Izin: Saudara mempunyai hak untuk membuat salinan atau  
mencetak cerita ini selagi ia bukan dijual.




Apabila Yesus menuju ke rumah Tuhan di suatu hari, Dia mendapati orang ramai tidak menghormati rumah Tuhan. Mereka menjual haiwan dan tempat itu menjadi tempat bertukar wang!



Membuat sebat daripada tali, Yesus menghalau para penjual keluar dari rumah Tuhan. "Bawa semuanya keluar!" Perintah-Nya. "Jangan jadikan rumah Bapa-Ku sebagai tempat berniaga!" Yesus sangat mengasihi rumah Bapa-Nya.






Para pemimpin meminta, hak apakah yang Yesus punyai untuk mengusir orang dari rumah Tuhan. "Runtuhkanlah bait Allah ini dan Aku akan membinanya semula dalam tiga hari," jawab Yesus. Mustahil. Rumah Tuhan ini dibina dalam empat puluh enam tahun.



Tetapi Yesus bercakap mengenai tubuh-Nya. Sama seperti rumah Tuhan, jasadNya adalah tempat Tuhan berdiam. Yesus tahu Ia akan mati di kayu salib, Ia tahu Tuhan akan membangkitkan-Nya dari kubur pada hari ketiga.





Di waktu malam hari, seorang pemimpin rumah Tuhan datang mengunjungi Yesus. Dia tahu mukjizat yang dilakukan Yesus datang dari Allah Bapa. Nikodemus melawat Yesus untuk belajar tentang Tuhan.





Yesus berkata kepada Nikodemus bahawa seseorang mesti dilahirkan semula untuk memasuki kerajaan Tuhan. Tapi Nikodemus tidak memahaminya. Bagaimana orang dewasa boleh menjadi bayi semula? Tambahan pula, dia sangat kuat beragama. Adakah itu tidak mencukupi?







"Yang dilahirkan  
daripada roh  
adalah Roh,"  
Yesus jelaskan.  
"Roh Tuhan  
adalah seperti  
angin. Orang  
tidak dapat  
melihat atau  
memahami angin.  
Mereka hanya  
melihat apa  
yang dibuat  
oleh angin."






Yesus mengingatkan Nikodemus tentang orang Israel yang selalu mengadu kepada Musa pada masa lalu. "Kami tidak mempunyai makanan, tidak ada air, dan tidak menyukai roti yang diberikan Tuhan kepada kami," teriak mereka.




Dosa mereka menimbulkan kemurkaan Tuhan. Dia menghantar ular beludak diantara mereka. Ular itu menggigit mereka. Menyebabkan ramai yang mati.



"Kami telah berdosa.  
Doakanlah agar Allah  
menghapuskan ular-ular itu,"  
pinta orang ramai. Musa  
berdoa untuk mereka.  
Tetapi Tuhan tidak  
menyingkirkan ular itu.



Tuhan memanggil Musa untuk membuat tongkat berbentuk ular. "Sesiapa yang dipatuk akan hidup jika dia melihat tongkat ular itu," janji Tuhan. Musa membuat tongkat ular daripada tembaga dan sesiapa yang melihatnya sembuh.





Yesus berkata kepada  
Nikodemus bahawa Anak  
Manusia mesti diangkat  
seperti tongkat tembaga.  
Yesus bercakap  
tentang salib di mana  
Dia mati untuk  
dosa manusia.





Yesus berkata,

"Karena begitu besar kasih Allah akan dunia sampai Ia mengaruniakan Anak-Nya yang tunggal, supaya siapa yang percaya pada-Nya tidak akan binasa melainkan memperoleh hidup kekal."



Ini bermakna sesiapa  
yang percaya kepada  
Yesus akan dilahirkan  
semula dalam  
keluarga Tuhan.





Walaupun Nikodemus tidak menjadi murid Yesus pada malam itu. Tetapi beberapa tahun kemudian, Nikodemus menunjukkan bahwa dia mengasihi dan mempercayai Yesus dengan membantu menguburkan Anak Tuhan yang mati di kayu salib.



Selepas itu, Yesus dan murid-murid-Nya menuju ke utara. Orang lain juga perlu mendengar tentang kerajaan Tuhan, dan mempunyai peluang untuk percaya kepada Yesus dari Nazaret, Anak Allah.



Pemimpin Rumah Tuhan Mengunjungi Yesus

satu cerita dari Firman Tuhan, Alkitab,

terdapat dalam

Yohannes 2-3, Bilangan 21

"Bila tersingkap, firman-firman-Mu memberi terang, memberi pengertian kepada orang-orang bodoh." Mazmur 119:130



TAMAT



Alkitab memberitahu kita tentang Allah kita yang hebat yang membentuk kita dan ingin kita mengenali Dia.

Allah tahu kita telah melakukan banyak perkara buruk yang dipanggil dosa. Hukuman bagi dosa adalah maut tetapi Allah sangat mengasihi kita. Dia telah mengutus AnakNya yang tunggal, Yesus, mati di kayu Salib dan dihukum kerana dosa-dosa kita. Kemudian Yesus bangkit dan hidup kembali; dan pulang ke syurga! Jika anda percaya kepada Yesus dan meminta Dia mengampuni dosa-dosa kamu, Dia akan melakukannya! Dia akan datang dan tinggal di dalammu sekarang, dan anda akan hidup bersamaNya untuk selama-lamanya.

Jika anda percaya ini adalah benar, katakan ini kepada Allah: Tuhan Yesus, saya percaya bahawa Anda adalah Allah, dan menjadi seorang manusia yang mati untuk dosa saya, dan kini Anda hidup sekali lagi. Sila datang ke dalam hidup saya dan mengampuni dosa saya, supaya saya dapat memiliki satu hidup baru, dan satu hari nanti akan ku bersama dengan Anda selama-lamanya. Bantu saya untuk mentaati Anda dan hidup sebagai anakMu. Amin.

Baca Alkitab dan berbicara dengan Allah setiap hari! Yohanes 3:16

